

Asunto: Notificación de resolución

Destinatario:
Concello de Vimianzo
Praza do Concello, 6
15129 Vimianzo
A Coruña

Clave: DH.W15.98797
Expediente: Autorización de obras de mellora dos camiños municipais Cuadra-Bouza e Tines-Vilar no lugar de Tines parroquia de Tines (Santa Baia), no concello de Vimianzo (A Coruña).
Solicitante: Concello de Vimianzo
Asunto: Resolución

Antecedentes

1. Con data 08/02/2024 o Concello de Vimianzo presentou a solicitude de autorización de mellora dos camiños municipais Cuadra-Bouza e Tines-Vilar referida no encabezamento.
2. Con data 28/05/2024, faise visita ao lugar das obras por parte da gardería do Servizo Territorial, dando lugar ao informe da mesma data, onde se constata a realidade do solicitado.
3. Non se someteu a solicitude ao trámite de información pública por tratarse de obras sobre viario existente, sen que sexan previsibles afeccións destacables ao dominio público hidráulico ou a terceiros pola súa drenaxe.
4. Con data 20/06/2024 a enxeñeira do Servizo Territorial de Augas de Galicia emitiu informe favorable ao solicitado.



Fundamentos de dereito

Primeiro.- Competencia para resolver

- Lei 9/2010, de 4 de novembro, de Augas de Galicia
- Decreto 32/2012 do 12 de xaneiro, polo que se aproba o Estatuto de Augas de Galicia.

Segundo.- Lexislación aplicable:

- Lei 39/2015, do 01 de outubro, do Procedemento administrativo común das administracións públicas
- Texto refundido da Lei de augas, aprobado por Real decreto legislativo 1/2001, do 20 de xullo (TRLA)
- Regulamento do dominio público hidráulico, aprobado polo Real decreto 849/1986, do 11 de abril (RDPH)

Terceiro.- Artigos de aplicación específica:

- TRLA: Artigo 2 (definición de dominio público hidráulico), Artigo 6 (zonas de afección nas marxes)
- RDPH: Artigo 53 (tramitación de solicitudes de autorizacións en dominio público hidráulico), Artigo 78 (procedementos de tramitación de novas actividades e usos do solo en zona de policía), Artigo 78 ter. (autorización previa para actividades e usos do solo en zona de policía), Artigo 126 (obras dentro ou sobre o dominio público hidráulico)

De acordo con todo o exposto, a xefatura do Servizo Territorial, PROPÓN:

Autorizar ao Concello de Vimianzo as obras de mellora dos camiños municipais Cuadra-Bouza e Tines-Vilar, no lugar de Tines, parroquia de Tines (Santa Baia), no concello de Vimianzo (A Coruña)

Esta autorización axustarase ao disposto pola Lei de augas e polo Regulamento do dominio público hidráulico, ademais do cumprimento das seguintes condicións:



Xerais

1. As obras que se autorizan son as que se definen na documentación técnica que consta no expediente da clave referida, en canto non resulten modificadas polas presentes condicións.
2. Outórgase esta autorización sen prexuízo de terceiro e salvando o dereito de propiedade, coa obriga de executar as obras conservando as servidumes legais existentes.
3. Toda modificación das características da presente autorización requirirá a previa aprobación de Augas de Galicia.
4. A inspección e vixilancia das obras, tanto durante a súa construción como no período de explotación, estarán a cargo de Augas de Galicia, sendo por conta do beneficiario as remuneracións e gastos que por ditos conceptos se orixinen, segundo as disposicións vixentes.
5. Esta autorización queda suxeita ás disposicións vixentes, ou que no sucesivo se diten, relativas a contratos e accidentes de traballo e demais de carácter social, así como en xeral ao cumprimento das disposicións vixentes en materia de pesca fluvial e ás prescricións específicas que lle sinale o ente competente en materia de calidade medio-ambiental, ante o que responderá do seu cumprimento.
6. O titular da autorización será responsable de cantos danos e perdas poidan ocasionarse a intereses públicos ou privados como consecuencia das obras que se autorizan, quedando obrigado á súa indemnización e a realizar os traballos que a administración lle ordene para a extracción dos cascallos vertidos ó leito durante a execución das mencionadas obras.
Será tamén responsable da conservación en bo estado das obras e instalacións que se autorizan.
7. Esta autorización poderá ser revogada polo incumprimento de calquera das súas condicións e nos casos previstos nas leis, declarándose a revogación por resolución motivada de Augas de Galicia, quen poderá adoptar as medidas que considere necesarias para garantir as condicións normais de desaugue e o respecto ás servidumes legais.
8. Esta autorización é independente de todas aquelas que, en virtude das disposicións legais vixentes, teñan que ser outorgadas por outros organismos ou administracións, e, en particular, da licenza municipal de obras.



Particulares

1. As obras consisten na rehabilitación do firme existente nos camiños municipais Cuadra– Bouza e Tines-Vilar, na zona de policía e servidume do rego das Mourellas e dous regos sen denominación no lugar de Tines, parroquia de Tines (Santa Baia), concello de Vimianzo. Actuarase en dous treitos duns 600 m e 860 m nos que se levará a cabo a limpeza de gabias, ampliación de zonas puntuais para sobreanchos da calzada e mellora da capa de rodaxe con capa de aglomerado en quente.

O camiño Tines-Vilar cruza o rego das Mourellas e os dous regos sen denominación (canalizados baixo o camiño) aproximadamente nos puntos de coordenadas UTM ETRS89 fuso 29 X= 503.207, Y= 4.773.262; X= 502.791, Y= 4.773.188 e X= 502.570, Y= 4.773.206 respectivamente.

2. O ensanchamento dos camiños non poderá supor a prolongación das obras de drenaxe transversal, que deberá en calquera caso vir avaliadas polo correspondente estudo hidráulico da súa capacidade.
3. Evitarase o toldamento das augas pola realización das actuacións.
4. Prohibirase a corta ou destrución da vexetación arbustiva ou arbórea de ribeira, agás que conte con autorización específica para estes traballos.
5. Deixarase en todo momento expedita a zona de servidume para uso público, consistente nunha banda de 5 m de ancho, medidos a partir do bordo ocupado polas augas nas máximas enchentes ordinarias.
6. Durante a fase de construción extremaranse as precaucións coa retirada de todo tipo de cascallos e material de refugallo das marxes, co obxecto de reducir posibles alteracións na calidade da auga circulante ou na capacidade hidráulica da canle.

De xeito especial, prohíbese expresamente verter no propio leito do río restos de formigón ou cemento, ou lavar materiais ou ferramenta que estiveran en contacto con eles, así como cambio de aceite de maquinaria de construción.

Non se depositarán na zona de servidume nin en lugares próximos ningún tipo de material que poida incorporarse ao río por escorrentas ou cheas.



Os residuos xerados durante a construción terán que ser trasladados a vertedoiro de residuos de construción autorizado.

7. Una vez rematadas as obras ou durante a súa execución, en todas aquelas zonas que dalgún xeito sufrisen unha degradación (tránsito de maquinaria pola zona de policía) procederase á súa rehabilitación, descontaminando a terra e, se for preciso, aportando terra vexetal, sementando, plantando, etc. ata conseguir a súa situación primitiva.
8. O prazo para a realización das obras é de vinte e catro (24) meses contado a partir do día seguinte da recepción desta resolución. Finalizado este prazo extinguirase a validez da autorización, salvo que se solicite e obteña unha prórroga antes do esgotamento do prazo.
9. Rematadas as obras, comunicaráselle a Augas de Galicia, que procederá ao seu recoñecemento final nos casos en que considere oportuno.

A Coruña, O xefe do Servizo Territorial da Zona hidrográfica de Galicia Norte – Néstor Rodríguez Arias (Sinatura dixital)

Visto o exposto, a Comisaría de Augas, de conformidade co establecido no Artigo 17 do Decreto 32/2012, do 12 de xaneiro, polo que se aproba o Estatuto de Augas de Galicia, eleva á Dirección de Augas de Galicia a proposta de resolución

Santiago de Compostela – o comisario de augas - Roberto Arias Sánchez (Sinatura dixital)

De conformidade co artigo 15.3 da Lei 9/2010, do 4 de novembro de Augas de Galicia, RESOLVO OUTORGAR a autorización ao Concello de Vimianzo

Contra esta resolución, que non esgota a vía administrativa, poderá interpor recurso de alzada ante a presidencia de Augas de Galicia no prazo DUN (1) MES a contar dende o día seguinte á súa notificación, de conformidade cos artigos 121 e 122 da Lei 39/2015, do 01 de outubro, do Procedemento Administrativo Común das Administracións Públicas. Para o suposto de ser un suxeito obrigado a relacionarse a



través de medios electrónicos coas Administracións Públicas ou de optar por este medio, o recurso deberá ser interposto a través da sede electrónica da Xunta de Galicia (<https://sede.xunta.gal/portada>) empregando o formulario normalizado dispoñible (IF321D - https://sede.xunta.gal/detalle_procedemento?codtram=IF321D&ano=2020&numpub=1&lang=gl).

Santiago de Compostela, o director de Augas de Galicia – Roi Fernández Añón
(Sinatura dixital)

